

Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Tribunal Conscientiæ Per Varias
Examinis Industrias seipsam dijudicantis, Tendentibus ad perfectionem,
præsertim Religiosis accommodatum

Družbicki, Kaspar

Ingolstadii, 1732

VD18 90066413

Examen V. Super Regulas, observationes, & praxes, & proposita actionis
cujuslibet.

urn:nbn:de:hbz:466:1-45441

præscriptis traduxerit. Si quam negligentiam
se commissam perspexerit, impunitam non di-
mittet. Proponet emendationem, & causas in-
ordinationis deinceps amovebit.

EXAMEN II. Super officium proprium
quod quis gerit v. g. Superioris, Concionato-
ris, Professoris, discipuli, Janitoris, Coci &c.
&c. In eo videbit; an officii sui omnes partes
plenè juxta regulas officii, & Prudentiæ, juxta
proposita, & observationes privatas proprias,
juxta mentem Regularum quoad fieri poterit li-
teralem, obierit, expleveritque. Atque simili-
ter negligentiam detestabitur, corrigere propo-
net, poenâ expiabit, supplebit, causas neglectus
amovebit.

EXAMEN III. Super proposita Collectio-
nis, sive annuæ, sive semestris, sive menstruæ,
sive meditationum quotidianarum, sive quælibet
alia, quavis occasione facta. In quo revideantur
omnia, & videatur, an fiant? Cur non?

EXAMEN IV. Supra virtutum, mortifica-
tionum interiarum, externarumque actus om-
nes, ant tanto (quantus est propositus) numero,
an diligenter & fructuosè, an verò obiter, per-
functoriè, & cur? exerciti, aut omissi sint. Con-
similique ratione, dolore, poenâ, emendatione,
causarum impedientium amotione restaurentur
defectus, & negligentia. Hoc genus Examinis
particulari Examini conjungi potest. Imò mate-
ria ejus esse, vel potest, vel debet.

EXAMEN V. Super Regulas, observationes,
& praxes, & proposita actionis cuiuslibet ma-
jusculæ, (quod coincidit cum Examine Indu-
striæ præcedentis.) v. g. Super praxes surgendi,

medi-

meditandi, studendi, Sacri audiendi, vel dicendi, confitendi, communicandi, cibi sumendi, horas canonicas dicendi, potest enim utiliter inquiri, an servata sint omnia? quomodo? cur neglecta? atque negligentiae, meritò expiabuntur pœna, dolore, emendationis proposito.

EXAMEN VI. Agendorum; scilicet super ea quæ agenda sunt hac die, hac hora sequenti: prævidendo nempè, & etiam proponendo, quæ erunt agenda? quomodo? quo ordine? quâ curâ? perfectione? Hæc enim prævisio incre-dibile quantum ad profectum facit. Est revera Mater omnis boni: sicut ejus neglectus (qui quidem est communissimus etiam omnibus Per-fectionibus studiosis) est fons omnium defec-tuum, estque defectus Prudentiæ, atque ne-glectus ejusdem; ex quo sit ut tardissimè, diffi-cillimè, vel nunquam ad perfectionem per-veniant innumeri perfectionis candidati. Et sole-mus quidem errores nostros corrigere per Examina subsequentia, post opera & acta no-stra: nec revera præstaret corrigere per Examina præcedentia, utilius enim est & prudentius pro-videre, ne aut vulnus aut damnum referas, quām post acceptum fortè vulnus vel damnum, utrique, remedio opportuno succurras. Exa-men subsequens curat, & corrigit vitia commis-sa, sed tamen commissa præcavet committenda in futurum. At vero Examen præcedens Agendo-rum, cavet, ne committantur, quod utique me-lius esse nemo non videt. Magni ergo æsti-manda est hæc praxis Examinis, atque usus ejus, deturque illi à spirituali Viro tempus semper ali-quod in die, & quidem non unum, saltēm du-plex,